

Bájkkeavijssa NuorttaSálto



SAMETINGSVALG 2009

Tæksta: Børge Strandskog
Järggálibme: Divte Media AS / Lars Th. Kintel

Guokta vahko válggaj!

294 ulmutja Nuortta-Sálton li jienastusláhkuj tjáledum Sámediggeválggaj guovte vahko duogen. Viestarmera válggabijras, gási mijá guovllo gullu, galggi vihtta ájrrasa Sámediggáj válljiduvvat.

Guokta tjuovvovasj prienttima Bájkkeavijssas galggap tjálet listaj birra, ja vehi bájkálasj ávdástiddij birra. Dán bále gávvidip Sámediggeválgav 2009 állágattjat.

Sámedigge le alemus válggaoajválasj gá le Sámediggeválgga. Sámedigge le ietjas válggaárnigav rievddam, Ádá válggaárnik doajmmagoahtá 2009 sámediggeválgga rájes.

Sámedikke válggaárniga rievddama duogásj le dat jut ávdep válggaárnik ittjij dájma nav buoragit gák luluj. Ilá állo ájgge gáláj dallutjis gá ulmutja jienastin desik láhpalasj válggaboados gávnnuj, ja de lidjin stuorra sieradásá galla jiena juohkka ájras dárbahtij válljiduvátjij. Ádá válggaárnik sisadná duola dagu ájrrasláhko binnu 43 ájrrasijs 39 ájrrasijsda (duoddemandáhta gáhtu) ja válggabijra binneuvvi lågenangálmás giehtjasij. Duodden bessi jienastiddje rievddat kandidáhtavuorov.

13855 ulmutja lidjin tjáleduvvam Sámedikke jienastuslágán gá tjáledimájggemierre vásij biehtsemáno 30. biejeve 2009. Láhko le lassánam badjelasj 1300 ulmuttjij 2005 válgga rájes. Dájda válggabijrráj sij gulluji:

Nuortaguovllu válgabiire/ Østre valgkrets:

Mátta-Várjjat, Unjárgga, Éáhcesullo, Várggáid, Báhcavuona, Deanu, Bearalvági, Davvisiidda ja Gángaviika gielda Finnmárko fylkan ja dánná li 9 lista. Válggabijren li 2219 jienastusláhkuj tjáledum ja sij galggi guhtta ájrrasa Sámediggáj válljit.

Ávjovári válgabiire/ Ávjovári valgkrets:

Karášjoga ja Porsánggu gielda ja Guovdageainnu suohkan ja dánná li 11 lista. Dánná li 3565 jienastusláhkuj tjáledum ja sij galggi aktse ájrrasa Sámediggáj válljit.

Davveguovllu válgabiire/ Nordre valgkrets:


Davvisiidda ja Muosát gielda, Fálesnuori, Hammerfesta, Áltta, Ákñoluovtta, Láhpi, Skiervvá, Návuona ja Ráissa suohkana Romsa fylkan ja dánná li 9 lista. I denne valgkretsen er 1972 registrert i manntallet. Skal velge 6 mandater til Sametinget. Dánná li 1972 jienastusláhkuj tjáledum ja sij galggi guhtta ájrrasa Sámediggáj válljit.

Gáiseguovllu válgabiire/ Gáisi valgkrets:

Gáivuona, Omasvuona, Ivgu, Gálssa, Romssa, Báhcavuona, Málatvuomi, Beardu, Leangáviika, Birggi, Doaskku, Ránáidsullo ja Ráisavuona suohkana ja dánná li 7 lista. Dássta galggi gudás diggáj.

Viestarmera válggabijrra/ Viesttarmeara válgabiire/ Vesthavet valgkrets le mijá válggabijrra:

Divrráid, Siellaga, Loabága, Rivttaga, Skániid, Ivvárstáðiid, Harstad, Bjarkøy, Giehtavuona, Ánddasullo, Ikšnásši, Bieváid, Suortta, Válafierdda, Voagaj, Vestvågøy, Flakstad, Moskenes, Væroy, Rost, Lodegiid, Dielddanuori, Evenásši,



Narvik, Bálaga, Divtasvuona, Hápmera, Stájgo, Oarjjelij Foalda, Bádádjo, Fuosko, Sálátvuome, Oarjjelij Bájddára, Bájddára ja Meloy suohkana. Viestarmera válggabijrran li guhtta dáhkkidum lista dán jahkásasj sámediggeválggaj: Vuona Barggijbelludahka, Ávddánimbelludahka, Vuona Sámij Rijkkasiebrre, Sáme Álmmuklihtto, Sjaddo ja Guovdásjbelludahka. Dán viehka vijdes válggabijren li 1395 tjáledum jienastusláhkuj. Sijás li gávtses Stájgo suohkanis, 24 Hábmara suohkanis ja 262 Divtasvuonas, tjoahkkáj 294 Nuortta-Sálto. Divtasvuodna le dat suohkan válggabijren gánná li inemusá jienastusláhkuj tjáledum, ávddál Skániid (174) ja stáda Narvik (148) ja Bodo (113). Ij besa válggabiejeve jienastit suohkanijn gánná li binnepe gá 30 jienastusláhkuj tjáledum. Dat merkaj sij Hábmere ja Stájgos gudi ájggu Sámediggeválgan jienastit, hæhttuji ávddágiehtaj jienastit. Viestarmeras galggi vidás Sámediggáj.

Aarjel-Saepmie veeljemegievlie/ Sørsamisk valgkrets:

Nordlândia fylka suohkana Ruovada ja Raavta rájes oarjás, Davvi-Trondelag ja Lulli-Trondelag fylka ja Surnadal, Rindal ja Sunndal suohkana Møre- ja Romsdal fylkan ja Engerdal, Rendalen, Os, Tolga, Tynset ja Folldal suohkana Hedmark fylkan. Dánná li 878 jienastiddje jienastusláhkuj tjáledum, ja sij galggi gálmma ájrrasa Sámediggáj jienastit.

Lulli-Norgga válgabiire/ Sør-Norge valgkrets

Suohkana Oarjjelij-Vuona fylkajn – ietján gá dá ma li badjelin nammadum ma oarjjelsáme válggabijrráj gulluji. Dán válggabijrran li 1849 jienastiddje tjáledum ja sij galggi niellja ájrrasa Sámediggáj válljit.

Tjoahkkáj li 54 dáhkkidum lista Sámediggeválggaj 2009.



GÁVVÁ/FOTO: JOHN-MARKUS KUHMUNEN